



Broj: A-258/24-7

Tuzla, 08.07.2024. godine

Na osnovu člana 64. stav 1. tačka b), člana 70. stav 3. u vezi sa stavom 1. i 6., i člana 88. Zakona o javnim nabavkama („Službeni glasnik Bosne i Hercegovine“ broj: 39/14 i 59/22), a na Preporuku Komisije za javne nabavke, v.d. glavni kantonalni tužitelj donio je sljedeću

O D L U K U o izboru najpovoljnijeg ponuđača

Član 1.

Prihvata se preporuka Komisije za javne nabavke broj : A-258/24-6 od 08.07.2024. godine i Ugovor za javnu nabavku se dodjeljuje ponuđaču „INTER AUTO“ d.o.o. Tuzla, koji je dostavio ponudu broj: 3/24 od 26.06.2024. godine za ponudenu cijenu od **59.615,38 KM** bez PDV-a, odnosno **69.750,00 KM** sa PDV-om.

Član 2.

Izabrani ponuđač dužan je u roku od 5 (pet) dana od dana dostavljanja ove Odluke dostaviti originale ili ovjerene kopije dokumentacije iz člana 45. Zakona o javnim nabavkama BiH. Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodjeliće se drugorangiranom ponuđaču u skladu sa članom 72. stav 3. Zakona o javnim nabavkama, ukoliko postoji drugorangirani ponuđač ili ako ne postoji, poništiće se postupak nabavke u skladu sa članom 69. stav 2. tačka d) Zakona o javnim nabavkama.

Član 3.

Ova Odluka, u skladu sa članom 70. stav 2. i 6. Zakona o javnim nabavkama, objaviće se na internet stranici Kantonalnog tužilaštva Tuzlanskog kantona i biće dostavljena ponuđaču koji je učestvovao u predmetnom postupku javne nabavke.

Član 4.

Odluka stupa na snagu danom donošenja.

O b r a z l o ž e n j e:

Glavni kantonalni tužitelj donio je Odluku o pokretanju postupka javnih nabavki putem otvorenog postupka. Postupak je objavljen na Portalu javnih nabavki BiH dana 17.06.2024.godine broj obavještenja 754-1-1-39-3-6/24. Predmetnu tendersku dokumentaciju sa portala javnih nabavki preuzelo je 10 (deset) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. A-258/24-2 od 17.06.2024. godine, konstatovala je da je blagovremeno ponudu predao jedan ponuđač – “INTER AUTO” d.o.o. Tuzla, te da nije bilo neblagovremenih i neprihvatljivih ponuda. Utvrđeno je da ponuda ispunjava zahtjeve tražene tenderskom

dokumentacijom i ista je ocijenjena kao kvalifikovana i prihvatljiva. Nakon računске provjere pristigle ponude utvrđeno je da ponuda ne sadrži računske greške.

U skladu s navedenim, Komisija za javne nabavke je dostavila glavnom kantonalnom tužitelju preporuku za izbor ponuđača „INTER AUTO“ d.o.o. Tuzla, koji ispunjava zahtjeve tražene tenderskom dokumentacijom.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu ponude, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik Bosne i Hercegovine“ broj 39/14 i 59/22), podzakonskim aktima i tenderskom dokumentacijom.


Shodno tome, utvrđeno je da „INTER AUTO“ d.o.o. Tuzla jedini dostavio kvalifikovanu ponudu, koja je u skladu sa procijenjenom vrijednošću i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Iz navedenih razloga, primjenom člana 64. stav 1. tačka a) Zakona o javnim nabavkama BiH, te člana 70. stavovi 1., 3. i 6. Zakona o javnim nabavkama BiH (Sl. Glasnik BiH broj: 39/2014 i 59/2022), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi BiH putem ugovornog organa, shodno članu 99. i 101. Zakona o javnim nabavkama. Žalba se podnosi u najmanje 3 (tri) primjerka.



v.d. GLAVNI KANTONALNI TUŽILAC
Vedran Alidžanović